



Inatsisartunut ilaasortaq
Olga P. Berthelsen, Inuit Ataqtigiit

“Inuit Piginnaatitaaffiit Ilisimatusarfeqalernissaq (Lov om Institut for Menneskerettigheder - Danmarks Nationale Menneskerettighedsinstitution) (L 154) pillugu inatsisissatut siunnersuut Nunatsinni aamma atuutilersinnaanissaa pillugu danskit naalakkersuisui saaffiginarlugit Naalakkersuisut pilersaaruteqarpat?”-mut : paragraf 37 apeqqummut akissut.

Apeqqutinnut akissut naatsoq tassa, AAP!


Akissut takisooq, soorlu Inatsisartunut ilaasortamit Akitsinguaq Olsen-imit, Siumut ulloq 7. marts 2012 paragraf 37 apeqqutaanut (72) akissuteqaammi takuneqarsinnaasortaaq, tassa: “Menneskerettighedsinstitutip - Danmarks Nationale Menneskerettighedsinstitution-ip – inuit pisinnaatitaaffiit tunngatillugu pikkoriffigisai Naalakkersuisut sulit atorluarusuppaat. Ilutigalugulu Naalakkersuisut soqutigisarivaat, Nunatsinni inuit pisinnaatitaaffiisa iluanni pikkorissuseqarnerup annertusarnissaa”.

L 154 pillugu tusarniaanermut atatillugu (IMR) Inuit Pisinnaatitaaffii pillugit suliffeqarfik suleqatigiittuarnissamut killissat piusariniqartut aalajangersarnissaat siunertarlugu, ima Naalakkersuisut siunnersuuteqarput, tassa inatsimmi tunngaviusussami periarfissanut ammaasoqartariaqartoq, tassa Inatsisartut, Kalaallit Nunaannut inatsisip atuunnissaa pillugu aalajangiisoqassagaluarpat (tassa imaappoq kunngip peqqusineratigut inatsip pineqartoq Kalaallit Nunaanni atuutsinneqalissasoq), Kalaallit Nunaanni Inuit Pisinnaatitaaffii pillugit Siunnersuisoqatigiinnik pilersitsisoqassasoq siunnersuisoqatigiiffillu taanna Inuit pisinnaatitaaffii pillugit suliffeqarfimmut siulersuisuni ilaasortaasussamik toqqaanissaminut periarfissaqalissaaq.

Kikkunnit tamanit siunnersuut tigulluarneqarpoq, kisiannili paatsoqatigiinnerit assigiinngitsut peqqutigalugit Nunanut Allanut ministeeriaqarfiup sioqqutsisumik allanguinissamut siunnersuutigineqartumik suliarinninnginnissaq toqqarsimavaa, kisiannili Kalaallit Nunaanni kissaatiniq naammassinninnissaq utaqqimaarlugu. Taamaakkaluartorli siunnersuut, soorlu illit tunngavilersuutinni malugeqqugit, isumaliutissiisummut 16. maj-imeersumut allanniarlugu Folketingimi Nunanut Allanut ataatsimiititaliaannit saqqummiunneqartoq Nunanut Allanut ministerimut tamakkununga akisussaasuusumut kajumissaarutitalerlugu, inatsisip Kalaallit Nunaanni atuutilernissaa pillugu kalaallit aalajangiisinnaanerisa kingorna inatsimik allanguinissamut siunnersuummik piaartumik saqqummiusequllugu.

Ulloq 29. maj inatsip akuerineqarpoq, tassalu illit ulloq taannarpiaq paragraf 37 naapertorlugu apeqqummik tunniussinerpit nalaani. Tamanna pillugu ilimasunneq sioqqutillaarlugu, IMR-imik ataatsimeeqateqarnermi isumaqatigiissutigineqarpoq, Naalakkersuisut Inatsisartut ukiakkut ataatsimiinneranni suliarineqartussamik siunnersuummik piareersaallutik piaarnerpaamik aallartissasut. Taanna siunnersuut suillermik Kalaallit Nunaannut inatsisip atuutsinneqalernissaa pillugu Danmarkimut qinnuteqaammik imaqassaaq, aappassaannillu inatsisip allannortinneqarnissaa pillugu qinnuteqaat, taamaasilluni Kalaallit Nunaat Inuit Pisinnaatitaaffii pillugit Siunnersuisoqatigiiffimmik pilersitsinermigut, IMR-ip siulittaasuut ilaasortassamik toqqaanissaminut periarfissamik tunineqassammat, pingajussaattullu Kalaallit Nunaanni Inuit Pisinnaatitaaffii pillugit Siunnersuisoqatigiiffimmik pilersitsinissamut siunnersuut – katiterinissamut, aqqissuussinermut tunngasutigut inissiinissanut, sullissinernut aningaasalersuinernullu siunnersuutit ilanngullugit.

Inussiarnersumik inuulluaqqusillunga


Kuupik Kleist

08. juni 2012
Sulifapnr. 2012-067212
All.Upp.Nr. 925502

Postboks 1015
3900 Nuuk
Oqa. (+299) 34 50 00
Allak (+299) 32 50 02
E-mail: govsec@nanoq.gl
www.nanoq.gl